

A ponto de rematar a campanha de socializaçom da mobilizaçom nacional que percorrerá as ruas de Compostela o vindouro domingo, em defesa dos nossos direitos e contra a repressom, o organismo anti-repressivo Ceivar fai um último chamado a umha participaçom maciça na convocatória. Pode-se encontrar toda a informaçom sobre a iniciativa de 18-D nas páginas 0, 1, 2 e 4 do web no momento em que esta é a notícia de abertura. Como afirmavamos no Editorial publicado esta semana na nossa página e no número 1 da publicaçom 'Cisalha' que distribuiremos domingo na mobilizaçom, entendemos a presente iniciativa nom como a culminaçom dum processo ou umha denúncia ritualizada e pontual, mas como “um ponto de partida para –desde o reconhecimento e o respeito da nossa diversidade de perspectivas e práticas- abrir umha frente comum e estável de denúncia e socializaçom dos factos repressivos contra o povo galego”. Temos a certeza de que o Estado toma nota e modula a sua política repressiva global em funçom do carácter quantitativo e qualitativo e a continuidade da resposta social que encontre à sua frente ante intervençoms repressivas de calado como a iniciada em 14 de Novembro. É ai que reside, na nossa opiniom, a importância dumha mobilizaçom nacional maciça, que transmita a negativa firme da sociedade galega a aceitar o processo involutivo dos nossos direitos e liberdades pessoais e colectivos e a repressom permanente contra quem, desde a generosidade e o compromisso militante, trabalham e luitam para mudar radicalmente a realidade actual do nosso País. 18 de Dezembro, todos e todas a Compostela! Contra a repressom, nem um passo atrás!